

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Fünff Bücher, Vonn Kriegs Regiment vnd Ordnung, Wie
sich ein jeder Kriegszmann inn seinem Amt vnnd
Beuelch halten soll, was zu anfang eines Kriegs
zuerwegen vnnd zubetrachten sey, Auch vonn ...**

Fronsberger, Leonhardt

[Franckfurt am Main], 1558

VD16 F 3129

Ein Land oder Läger zubefestigen.

[urn:nbn:de:bsz:31-41862](#)

Das fünft Buch. cviij

holz vnd reiß darzu/zünd dasselbig an/so schwacht dz die maur gar hefftig/
Also ließ Attila zu Aglar ein grossen haussen Sättel an die mauren tragen
vnd anzünden/schwacht also die mauren/vnd erobert die Stat dardurch.

Ein Land oder Läger zu befestigen.

Tem so man etwann wölt ein Lands art/Thal/Feld oder Läger befestigen/da man sich gedächte ein zeit lang zuenthalten vñ weeren/so nem man grosse Eychine/Büchne vnd andere hölzer/dann schräncke man ein hag/etwann zwenzig oder mehr schuch dick/vnnd so hoch/darzwischen mit erden/steinen vñnd aller hand materi aufgesüllt/so man auch aljo auf füller/so grebt man gleich damit darnor oder darhinder/wa es am besten ist/ein graben der auch zur befestigung nutz vnd gut ist/man mag auch Wehr vnd Bollwerk darein machen/Also haben sich die Ungern vor garlangen zeitten in jrem Land verbauen/vnd dardurch sich sres feinds erwehrt.

In Schlachten wider ein Reysigen zeug.

Tem so ein Fußvolck mangelam Reysigen Zeug hette/vnnd die Feynd innen mit Reisigen zustark vñnd überlegen weren/so mag der Fußzeug gar einen guten behelf haben wider die Reisigen/also das sie machen vil guter streytwägen mit krummen vnd sharpfen Segessen/ auch pirzen/vnd in ander weg wie man dann im Vegetio conterfeit findet/vnd die alten gebraucht haben/damit mögen sie jr Ordnung vor den Reisigen befestigen/vnd können nicht dester weniger mitt den streytwägen wanot/jhr Ordnung verrucken.

Nota.

Nro 43. ic. Haben die Türcken Osen vñnd Bäst inngehabt/vnnd ist vñm dem Römischen Reich Kriegsvolk in Hungern gezogen/vnnd vor Bäst gelegen/haben sich die Türcken des vorteils gebraucht/vnnd einketten vñm Osen bis gehn Bäst vber die Thonaw gemacht/zufür kommen/das niemand die Thonaw hinab hat mögen kommen/vnnd wird gesagt vñm vielen/das ein jeder ring oder gleich/an derselbigen Ketten hab fünf pfund gewegen/vnd seind durch die Ketten grosse Blöck gemacht gewesen/ein jeglich hat sein eygen block gehabt/also/das die ganz Ketten im wasser empor geschwummen/ auch auff dem Land damit vnderstützt gewesen/solliche vortheil werden noch heutigs tags noch vil bey den Türcken gebraucht.

Wie